




1092

Bosnia and Herzegovina  
Federation of Bosnia and Herzegovina  
**CANTON SARAJEVO**  
Cantonal Administration for Inspection Issues

**Broj:** 14-02-04-02080/26

**Datum:** 15. 04. 2026. godine

Bosna i Hercegovina  
Federacija Bosne i Hercegovine  
KANTON SARAJEVO



**BOSNA I HERCEGOVINA**  
**FEDERACIJA BOSNE I HERCEGOVINE**  
**KANTON SARAJEVO**  
**SKUPŠTINA KANTONA SARAJEVO**  
**ul. Reisa Dž. Čauševića br. 1**  
**71000 Sarajevo**  
**N/r Elvedin Okerić, predsjedavajući**

**PREDMET: Odgovor na zastupničko pitanje, dostavlja se;**

**VEZA: Vaš akt, broj: 01-04-644-13/26 od 25.03.2026. godine**

Poštovani,

U skladu sa Vašim aktom, broj i datum veze, kojim ste nam dostavili zastupničko pitanje zastupnice Sebiye Izetbegović koje je uputila, dana 24.03.2026. godine, a koje glasi:

" U skladu sa Poslovníkom Skupštine Kantona Sarajevo, upućujem sljedeća zastupnička pitanja Kantonalnoj upravi za inspekcijske poslove Kantona Sarajevo, a u vezi sa radom glavne prosvjetne inspektorice Dalile Hakalović, te eventualnim prijavama i poduzetim aktivnostima nadležnih organa.

Naime, u javnosti su prisutne informacije i navodi koji se odnose na rad i postupanje glavne prosvjetne inspektorice, zbog čega smatram da je od javnog interesa da se utvrde sve relevantne činjenice i osigura transparentnost u radu inspekcijskih organa.

Molim da se dostave sljedeće informacije:

1. Da li je Kantonalna uprava za inspekcijske poslove zaprimila prijave, predstavke ili pritužbe koje se odnose na rad glavne prosvjetne inspektorice Dalile Hakalović?
2. Ukoliko jeste, molim da se dostavi:  
broj zaprimljenih prijava,

- vremenski period u kojem su prijave podnesene,  
osnov i priroda prijava (opisno, bez narušavanja zaštite ličnih podataka).
3. Šta je konkretno po zaprimljenim prijavama:  
da li su pokrenuti disciplinski postupci,  
da li su provedene interne kontrole ili nadzori,  
koji su rezultati tih postupaka.
  4. Da li je vršena službena kontrola rada glavne prosvjetne inspektorice, te ukoliko jeste:  
kada je kontrola izvršena,  
ko ju je izvršio,  
koji su nalazi i zaključci kontrole.
  5. Ukoliko kontrola rada nije vršena, molim obrazloženje zbog čega ista nije provedena,  
imajući u vidu eventualne navode i prijave u javnosti.
  6. Koje je mjere direktor Kantonalne uprave za inspeksijske poslove poduzeo ili planira  
poduzeti kako bi se osigurala zakonitost rada, spriječila eventualne nepravilnosti i očuvao  
integritet institucije?,

obavještavamo Vas da su na osnovu izvršenog uvida u službene evidencije koje vodi Kantonalna uprava za inspeksijske poslove Kantona Sarajevo evidentirane dvije prijave ( mjesec decembar 2025. godine i mjesec mart 2026. godine).

Po navedenim prijavama je postupao Sektor za internu kontrolu Kantonalne uprave za inspeksijske poslove Kantona Sarajevo. Nakon provedene procedure provjere konstatovano je da su obje bile neosnovane, obzirom da je u jednoj prijavi ukazivano da je imenovana pogodovala visokoškolskoj ustanovi, a da glavna prosvjetna inspektorica nije vršila nijedan inspeksijski nadzor, niti je bila zadužena u predmetima kod navedene članice. Druga prijava se ticala nepostupanja po zahtjevu prijavitelja, te je na osnovu iste konstatovano da je glavna prosvjetna inspektorica izvršila inspeksijski nadzor i osnovom utvrđenih nepravilnosti izdala upravnu mjeru, prekršajni nalog zbog neizvršenja upravne mjere, te je o ishodu inspeksijskog nadzora blagovremeno obavijestila podnosioca predstavke.

Nadalje, prema saznanjima, da su, dana 25.12.2025. godine, policijski službenici iz službenih prostorija Kantonalne uprave za inspeksijske poslove Kantona Sarajevo lišili slobode glavnu prosvjetnu inspektoricu, Kantonalna uprava za inspeksijske poslove Kantona Sarajevo, a nakon što službeno nije zaprimila bilo kakav akt od strane nadležnih organa, u svojstvu poslodavca imenovane, se obratila Kantonalnom tužilaštvu Kantona Sarajevo, koje je 06.01.2026. godine dostavilo Informaciju o činjenicama i okolnostima vezanim za istragu, odnosno izrečenim mjerama zabrane, a koje su od uticaja u pogledu radno-pravnog statusa.

Postupajući u skladu sa članom 61. stav (1) tačka a) i stav (3) istog člana Zakona o državnoj službi u Kantonu Sarajevo ("Službene novine Kantona Sarajevo", br. 31/16, 45/19 i 6/25) kojim je propisano da je rukovodilac organa državne službe dužan državnog službenika odmah suspendovati u slučaju kad se protiv državnog službenika pokrene krivični postupak za krivično djelo počinjeno u obavljanju službene dužnosti, to je donijeto Rješenje o preventivnoj suspenziji glavne prosvjetne inspektorice, Dalile Hakalović, te je izvršeno i izuzimanje službene legitimacije i značke.

Takođe, na osnovu odredbi člana 36. Uredbe o pravilima disciplinskog postupka za disciplinsku odgovornost državnih službenika u organima državne službe u Kantonu Sarajevo ("Službene novine Kantona Sarajevo", br. 22/20, 23/22 i 43/23) i člana 55. stav (4) tačka a) Zakona o

državnoj službi u Kantonu Sarajevo, donijeto je i Rješenje o pokretanju disciplinskog postupka protiv glavne prosvjetne inspektorice.

S poštovanjem,

**Dostavljeno:**

1. Naslovu
2. Premijer Vlade Kantona Sarajevo
3. Sekretar Skupštine Kantona Sarajevo
4. Sekretar Vlade Kantona Sarajevo
5. a/a

